

2.

Ber dicor, si uis me nosse petitor,
 Claudio sub hoc lapide exuuias animae.
 Rexi non digne summi pastoris ouile,
 Opprimor inde meis lapsibus atque gregis.
 5 Sed fer uota pie, proprię memor ipse ruinae,
 Et maculam sceleris terge piis lacrimis.
 Octobris fragili decessi corpore nonis,
 Iam tibi consimilis, tu mihi si recolis.

II.

Nouo et insolito siderum ortu infausta quaedam uel tristia
 potius quam laeta uel prospera miseris uentura significari mor-
 talibus, pene omnis ueterum aestimauit auctoritas. Sola sacri
 euangelii scriptura salutarem nouae stellae apparitionem fuisse
 testatur, quam Chaldeorum uidisse sapientes et recentem aeterni
 regis ortum de illius clarissimo fulgore conicientes munera
 tantae maiestati conuenientia uenerabiliter optulisse narrantur.
 Sed ei stellae quae nuper apparuit horrida et parum laeta
 facies ab omnibus qui¹ eam se uidisse testati sunt fuisse ac
 minaciter flagrasse nuntiatur. Quae ut reor congrua meritis
 nostris presagia fecit et cladem qua digni sumus uenturam
 indicauit. Quid enim interest, utrum homine uel angelo uel
 stella nuntiante imminens ira generi predicetur humano. Hoc
 tantum est necessarium, ut intellegatur superuacuum non fuisse
 sideris uisi apparitionem, sed admonuisse mortales, ut penitendo
 et domini misericordiam inuocando futurum certent declinare
 periculum. Sic in predicatione Ionaе subuersio ciuitatis quae
 per illum fuerat prenuntiata hominibus ad poenitentiae remedia
 conuersis diuina miseratione dilata est, fecitque erga populum
 illum quod se facturum per Hieremiam promisit, cum eum in
 domum figuli descendere ibique iuxta operantem artificem sua
 uerba iussit audire, quod etiam erga nos eum facere uelle con-
 fidimus, si similiter ut illi poenitentiam agere non neglegimus.
 Et o utinam clades illa, quam nuper classis Nordmannica par-
 tibus regni huius intulisse dicitur, illam horrendi sideris appari-
 tionem expiare potuisset. Sed uereor ne grauiori² uindicta
 plectendum sit quod tam ferali ostento significatum est. Licet
 satis grauem et asperam ultionem in semet ipsis ac suis omni-
 bus experti fuissent hi, quibus illa ex Oceano ueniens ualida
 tempestas tam uehementer incubuit. Bene ualeat dominus
 meus piissimus imperator.

Das vorstehende Gutachten eines Hofgelehrten findet sich
 ohne Ueberschrift in dem Codex der Vaticana Palatinus 487,

1) qu cod.

2) grauior cod.